

Sarajevo, 16.12.2013.godine

Broj: 4110-23/122

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 26-12-2013			
Organizaciona jedinica	Klasifikaciona oznaka	Radni broj	Broj priloga
01-50-1-155		13	

Parlamentarna skupština BiH

Predstavnički dom

n/r predsjedavajućeg PD PS BiH

n/r članova Kolegija PD PS BiH

PREDMET: *Odgovor na poslaničko pitanje poslanika Saše Bursaća postavljeno na 57. Sjednici Predstavničkog doma Parlamentarne skupštine BiH, održanoj 20. novembra 2013. godine*

Poštovani,

sljedom pozitivnih iskustava u djelovanju javnih medijskih servisa u razvijenim zemljama, ustanovljena su zajednička uređivačka načela i okviri profesionalnoga rada novinara javnih servisa u BiH. Kako je poznato Upravna tijela, posloводства i uposlenici Javnog radiotelevizijskog servisa Bosne i Hercegovine, Radiotelevizije Federacije Bosne i Hercegovine i Radiotelevizije Republike Srpske usaglasili su, još 2003. godine, UREĐIVAČKA NAČELA JAVNOG RTV SISTEMA U BOSNI I HERCEGOVINI.

Ovi principi prvenstveno definišu da emiteri, pa tako i Javni RTV servis BiH, svojim programima služe javnosti. Naša je zadaća, informisati građane, ali i omogućavati javne debate (kao što je i prenos sjednice PSBiH) u kojima se profilisu ciljevi i interesi demokratske javnosti.

Za svoj rad i ukupno medijsko djelovanje ovi emiteri su jedino ODGOVORNI JAVNOSTI. Činjenica da građani plaćaju RTV taksu, iz koje se finansira funkcionisanje javnih RTV servisa u Bosni i Hercegovini, potencira uzajamnost djelovanja i međusobnog uvažavanja bosanskohercegovačke javnosti i javnih emitera.

Kako je precizirano u članu 1, stav 5: „, Javni emiteri dužni su prenositi sjednice ili dijelove sjednica parlamenata kada ta tijela na dnevnom redu imaju zakone i odredbe od iznimne važnosti za cjelokupnu javnost. Također će prenositi konstituirajuće sjednice, te *sjednice na kojima se imenuju ili dopunjavaju vlade. Konačnu odluku* o izboru i načinu praćenja sjednica parlamenata, izbornih aktivnosti i događaja za koje najšira javnost pokazuje interes, *donosi uređivački tim* emitera.“

Izdvajamo još jednu osnovu na kojoj se baziraju uredničke odluke svih javnih emitera . Prema Zakonu o Javnom RTV sistemu BiH , članu 26, stav 7 (usvojen 17.maja 2005. godine u Predstavničkom domu PS BiH i 5. oktobra 2005. u Domu naroda PS BiH): „ Javni RTV servisi imaju pravo da, u skladu sa svojim uređivačkim smjernicama, prenose sjednice ili dijelove sjednica parlamenata. Javni RTV servisi imaju obavezu da na drugi pogodan način informišu javnost o parlamentarnim aktivnostima. U tu svrhu javni RTV servisi imaju slobodan pristup sjednicama parlamenata. “

urednica Informativnog programa BHT 1

Suzana Stambol



generalni direktor BHRT-a

Muhamed Bakarević

